

Pravilnik o naknadama

Sarajevo, August 2018

MOGO leasing d.o.o. Sarajevo

Ovim pravilnikom utvrđuju se visine naknada za radnje i usluge izvršene od strane Mogo leasing d.o.o. Sarajevo, a koje proizilaze iz ugovora o finansijskom leasing/leasebacku. Osim ovim pravilnikom naknade su definirane ugovorima i Općim uslovima uz ugovor o finansijskom leasingu/leasebacku vozila. Pod korisnikom u smislu ovog pravilnika podrazumijeva se svako fizičko lice koje sa Mogo leasing d.o.o. Sarajevo zaključilo ugovor o finansijskom leasingu/leasebacku vozila u nekomercijalne, odnosno neposlovne svrhe kao i svako pravno lice, kao i preduzetnik koji sa Mogo leasing d.o.o. Sarajevo zaključilo ugovor o finansijskom leasingu/leasebacku vozila u komercijalne, odnosno poslovne svrhe, radi obavljanja djelatnosti za koje je registrirano u skladu sa relevantnim propisima Bosne i Hercegovine.

Naknade koje u toku trajanja ugovornog odnosa između korisnika i Mogo leasing d.o.o. Sarajevo padaju na teret korisnika leasinga/leasebacka su:

- Naknada za izdavanje – fiksna i iznosi 200,00 KM uvećano za iznos PDV-a.
- Naknade za izmjene već postojećeg ugovora o finansijskom leasingu/leasebacku vozila (aneks ugovora) – iznosi 200,00 KM uvećano za iznos PDV-a i ista se plaća jednokratno neposredno nakon potpisivanja aneksa ugovora, a najkasnije u roku od 3 dana od dana zaključivanja aneksa ugovora. Ova naknada se ne plaća u slučaju prijevremene otplate.
- Naknada za prijevremenu otplatu – u slučaju da korisnik leasinga/leasebacka podnese zahtjev za prijevremenu otplatu, Mogo leasing d.o.o. Sarajevo će postupiti u skladu sa Općim uslovima uz ugovora o finansijskom leasingu/leasebacka vozila a u vezi sa obračunom visine preostale obaveze korisnika leasinga/leasebacka. U slučaju da korisnik podnese zahtjev za prijevremeni otplatu ugovora, korisnik leasinga/leasebacka je dužan na ime naknade za prijevremenu otplatu uplatiti naknadu u visini:
 - 1% od iznosa prijevremeno otplaćenog kredita, ako je period između prijevremene otplate i roka ispunjenja obaveze iz ugovora o leasingu/leasebacku veći od 12 mjeseci;
 - 0,5% od iznosa prijevremeno otplaćenog kredita, ako je period između prijevremene otplate i roka ispunjenja obaveze iz ugovora o leasingu/leasebacku manji ili jednak 12 mjeseci. Period se računa na pune mjesece.
- Naknada troškova preuzimanje vozila zbog neplaćanja obaveza – korisnik je dužan predati vozilo Mogo leasing d.o.o. Sarajevo najkasnije u roku od 3 (tri) dana od dana zaprimanja poziva za povrat vozila u neposredni posjed radi neplaćanja obaveza po osnovu zaključenog ugovora o finansijskom leasing/leasebacku vozila. U slučaju da korisnik ne preda vozilo koje je predmetom ugovora o leasingu/leasebacku, korisnik je dužan nadoknaditi Mogo leasing d.o.o. Sarajevo iznos stvarnih troškova preuzimanja uvećan za iznos od 300,00 KM uvećano za iznos PDV-a.
- Naknada za skladištenje i održavanje vraćenog predmeta leasinga/leasebacka – naknadu u visini od 100,00 KM uvećanu za iznos PDV-a, korisnik je dužan platiti u roku od 3 (tri) dana kada je Mogo leasing d.o.o Sarajevo dobio neposredni posjed nad predmetnim vozilom.
- U slučaju mijenjanja karakteristika vozila koje je predmetom ugovora o finansijskom leasingu/leasebacku bez pisane saglasnosti Mogo leasing-a, korisnik leasinga/leasebacka je dužan uplatiti stvarne troškove vraćanja vozila u prijašnje stanje uvećano za naknadu u visinu od 100,00 KM uvećanu za iznos PDV-a;
- U slučaju da korisnik leasinga/leasebacka izgubi ključeve ili obaveznu dokumentaciju za vožnju (saobraćajna dozvola i sl), korisnik leasinga/leasebacka je dužan platiti stvarne

MOGO leasing d.o.o. Sarajevo

troškove nabavke novog ključa i/ili dokumentacije uvećane za naknadu u visini od 50,00 KM uvećanu za iznos PDV-a;

- Korisnik leasinga/leasebacka je dužan izvršiti produženje registracije vozila koji je predmet ugovora o finansijskom leasingu/leasebacku na osnovu izdate punomoći najkasnije do 10 dana prije dana koji je naznačen kao posljednji dan prethodne registracije, odnosno dužan je izvršiti registraciju vozila (ukoliko je predmet ugovora vozilo koje nije registrirano) u roku od 3 dana od dana potpisivanja Trostranog zapisnika o primopredaji vozila. Ukoliko korisnik leasinga/leasebacka ne izvrši registraciju/produženje registracije na način i u rokovima kako je propisano članom 9.5. Općih uslova uz ugovor o finansijskom leasingu/leasebacku vozila, ili ne dostavi dokaz Mogo leasing-u o produženju registracije, odnosno prvoj registraciji, Mogo leasing d.o.o Sarajevo ima pravo obračunati ugovornu kaznu u visini od 25,00 KM uvećano za iznos PDV-a po danu za svaki dan kašnjenja donošenja dokumentacije Mogo leasing-u;
- U slučaju da korisnik leasinga/leasebacka ne produži registraciju i ne dostavi dokaz o izvršenom produženju registracije vozila, Korisnik leasinga/leasebacka je dužan izvršiti predaju vozila odmah, Mogo leasing d.o.o Sarajevo će produžiti registraciju, platiti sve troškove u vezi sa registracijom predmetnog vozila, prefakturisati ih korisniku leasinga/leasebacka uz uvećanje po osnovu ugovorne kazne u visini od 100,00 KM uvećano za iznos PDV-a računajući od prvog dana kašnjenja pa do završetka procesa registracije;
- U slučaju da korisnik leasinga/leasebacka ne postupi ili prekrši odredbu člana 12. ugovora ili obaveze sadržane u tačkama 10.3, 10.6, 10.7, 10.11 – 10.16 Općih uslova Mogo leasing d.o.o Sarajevo ima pravo naplatiti naknadu u visini od 1% od ukupne vrijednosti ugovora za svaku povredu, uvećano za iznos PDV-a;
- Za povrede odredaba tački 10.8, 11.1, 17.5 Općih uslova, Mogo leasing d.o.o. Sarajevo ima pravo naplatiti naknadu u visini od 5% od ukupne vrijednosti ugovora za svaku povredu, uvećano za iznos PDV-a.

Troškove pribavljanja sredstava osiguranja predviđene ugovorom ili Općim uslovima uz ugovor o finansijskom leasingu/leasebacku vozila, snosi korisnik leasinga/leasebacka.

Pravilnik stupa na snagu, danom donošenja od strane Uprave Društva.

Direktor društva:

.....